

BA KHASTOM BA SARS BA SENYA DITHOTO TŠA TLIŠOGAE TŠE DI SEGO MOLAONG TŠA BOLENG BJA GO FETA R7-MILLION

DURBAN, Labohlano 29 Nofemere 2019 – Baofisiri ba khastom ba Ditirelo tša Motšhelo tša Afrika Borwa (SARS) ba thomile go senya difatanaga tše mmalwa tša tlišogae tše di sego molaong le diaparo tša boleng bja go feta R7- million ka Durban mesong ya lehono ka nepo ya go fediša tlišogae ya dithoto tše di sego molaong tša go hlokofatša ekonomi.

Mekgobo ya go feta 13 000 ya diaparo tša tlišogae ya diaparo tše di sego molaong, tša boleng bja R6,75-million, gammogo le difatanaga tše 15, tša boleng bja palomoka ya R450 000.00, di tlo senywa.

Go ya ka Khuduthamaga ya Khastom ya SARS Mrn. Patrick Moeng, ba Khastom ba SARS ba sentše mekgobo ye 11 514 ya diaparo le dieta tša boleng bja R2,5-million le difatanaga tše 57 tša boleng bja R7,1-million go tloga ka la 1 Aprele lenyaga.

O boletše gore kgwebo yeo e sego molaong e tšwelela ka mekgwa e mentši. Se se akaretša go kwefa (go tliša dithoto ka nageng di lemogwa, goba go di romela nageng ya ka ntle di sa lemogwa), thomelo ya bomenetša ya dithoto ka dikepe ka tirišo ya naga ya boraro go diriša tefišo ya fasana ya metšhelo ya kišontle gape le go laodiša dithoto ka maaka ka fase ga ditharifi tše di sa gokego metšhelo ya godimo, magareng ga tše dingwe.

Molobanyana, sehlopha tšhomo sa maemo a godimo sa tirišano sa mmušo se tshamilwe magareng ga Kgoro ya Kgwebišano le Intasteri (the DTI), *International Trade and Administration Commission* (ITAC) le SARS go šomana le kgwebo yeo e sego molaong, ka tsepelelo ya diaparo, dilogwa, mekgopha le dieta, dimetale tša dikerepe le gauta.

SARS bjale ka leloko la sehlopha tšhomo se e tlogile e šoma ka thata ka diprofenseng tše tharo ka palo e kgolo ya godimo ya tlišogae ya diaparo le dilogwa. Diprofense tše ke Western Cape, KwaZulu-Natal le Gauteng.

Mrn. Moeng o boletše gore dikamano mpe tša tlišogae yeo e sego molaong di akaretša tše di latelago:

- makgetho a tlišogae le motšhelo wa boleng bja go tlaleletšwa (VAT) tše di swanetšego go lefelwa go SARS ga se di lefelwe, yeo e le go tahlegelo ya fiskase
- thibelo ya ekonomi ya selegae go ketwane ya boleng yeo e amegilego
- phuhlamo ya bokgoni bja naga bja go tšweletša dithoto mo nageng
- tahlegelo ya mešomo, kudu ka go sektara ya tšweletšo
- tlolo ya ditokelo tša dithoto tša bohlale
- go se hloholetše dikhamphani tša gae go tliša diphetogo tše mpsha go disektara tše
- tlhohleletšo ya bomenetša ka ditiragalo tše di sa dumelelwago.

Mrn. Moeng o tlaleleditše ka gore išontle yeo e sego molaong e ka baka kotsi e kgolo ya maphelo go bareki ka hwetšagalo ya ditheko tša fasana le metsoko ya go se laolwe yeo e le go kgatlhanong le pholisi ya maphelo ya mmušo.